



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 36. Concilium Mopsuestenum.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

ventu recepit. (*) Subscriptionem quoque suam Episcopi Græci reposcenti reddiderunt, edixitque Pontifex; si quis eorum in causa trium Capitulorum quidquam moveret ante initium Concilii Universalis, a Communione S. Sedis esse removendum.

Sæculum VI.
A. C. 550.

§. XXXVI.

Concilium Mopsuestenum.

Interim ut ad Concilium Generale viam sternerent, Imperator, seu verius, sub Imperatoris nomine Orientales, Concilium Mopsuestiæ convocarunt, demonstraturi, Theodori Nomen in illius Ecclesiæ Diptychis non legi, nec hominum memoriam superesse, aliquando fuisse lectum. Igitur Imperator ad Joannem Episcopum Justinianopolitanum, secundæ Ciliciæ Metropolitanam, & ad Cosmum Episcopum Mopsuestenum litteras dedit. Acceptis his Mandatis Concilium anno nono post Consulatum Basilii Indictione decima tertia id est anno 550. 17. Junii celebratum. Præfuit Joannes, cui octo Episcopi ejusdem Provinciæ assistebant. Mathanius Cubiculariorum Comes tanquam Imperatoris Mandatarius, item omnes Clerici Mopsuestiæ, duo Comites, duo Tribuni, alii quidam ex Ministris, & multi

to. 5. Conc.
p. 491.

(*) Istud Vigilii Papæ factum, si quid prius peccatum, satis diluit.

Sæculum VI. multi illius Civitatis Incolæ, aderant. In
 A.C. 550. medio Conventus posita sunt Sacra Evan-

p. 493.

geliæ, & Imperatoris Epistolæ lectæ. Tum
 prodire iussi, qui facti illius, de quo age-
 batur, testes producti fuerant. Singuli
 nomen suum & conditionem professi.
 Nempe Presbyteri undecim, Diaconi sex,
 & septendecim Laici, ex quibus duo pri-
 mi Comitum Dignitate eminebant. Pau-
 lus Civitatis Defensor testimonium red-
 didit, hos viros esse illius Civitatis ætate
 maximos & moribus honestissimos.

p. 494.

Episcopi deinde Ecclesiæ Thesauro
 Præfectum Diptycha, quæ cum Vasis
 Sacris custodiri solebant, producere ius-
 serunt. Ubi fuere allata, publice recita-
 ta sunt in hunc modum: *pro Episcopis*
defunctis, Protogene, Zosimo, Olympio,
Cyrillo, Thoma, Bassiano, Joanne, Auxen-
tio, Palatino, Jacobo, Zosimo, Theodoro,
Simeone. In alio Libro eadem lecta sunt
 Nomina, & rursus in alio tantum usque
 ad Nomen Jacobi. Episcopi Diptycha
 sibi exhiberi iussa ipsimet inspexerunt, &
 juramentum dextra super Evangelia po-
 sita Thesauro Præfecti receperunt, nulla
 alia ipsi esse Diptycha.

Tum a testibus quoque petierunt
 Episcopi, ut edito juramento promitte-
 rent, veritatem eloqui. Illorum pri-
 mus, Presbyter, cui Nomen Martyrius,
 locutus est in hunc modum: *Annos vite*
octo-

octoginta plus minus numero, quorum ul-
tra sexaginta inter Clericos transegi, &
nunquam vidi aut a quoquam audivi, Theo-
dorum, olim hujus Civitatis Episcopum, in
Sacris Diptychis fuisse nominatum; sed
audivi S. Episcopum Cyrillum Alexandri-
num loco Theodori fuisse insertum. Nec
enim scio in nostra Civitate unquam exti-
tisse Episcopum, qui Cyrillus vocaretur.
Ille vero Theodorus, qui in Diptychis legi-
tur, ante annos tres obiit, & Patriam ha-
buit Galatiam. Ceteri Presbyteri, quo-
rum junior annos quinquaginta duos nu-
merabat, idem suo testimonio confirma-
runt. Tum Paregorius Archidiaconus
sexaginta sex annos natus, alique Dia-
coni. Tum duo Comites Eumolpius, &
Theodorus, ceterique Laici. His audi-
tis Episcopi pronunciarunt; ex testimo-
niis, & Diptychorum inspectione lique-
re, senioris Theodori Nomen fuisse dele-
tum, & hac super re Epistolam Synodi-
cam ad Imperatorem, alteramque ad Vi-
gilium Papam dederunt. Nihil præter-
ea in hac Synodo Mopsuestena actum.
Ex his vero, quid rei Diptycha Ecclesia-
stica fuerint, discernitur.

§. XXXVII.

Vis Papæ illata.

Non obstante fide data nihil se esse mo-
turos usque ad Concilium Univer-
sale,
Hist. Eccles. Tom. VII. Xx

Sæculum VI.
A. C. 550.

p. 497.

p. 501.